

تاریخ دباچ : 24 جانواری 2020 / 28 جُمَادَى الْأُولَى 1441ھ



JABATAN AGAMA ISLAM SELANGOR

# خطبة جمعة

تاجوق:

"عقيدة دفر كاس، شريعة دلقسان"

\*\*\*

تربیتن :

اونیت خطبة، بهاکین فغوروسن مسجد

جابتن اگام اسلام سلاغور



## "عقيدة دفرکاس، شريعة دلقرسان"

الْحَمْدُ لِلَّهِ الْقَائِلِ: أَفَغَيَّرَ دِينَ اللَّهِ يَبْغُونَ وَلَهُوَ أَسْلَمَ مَنْ فِي  
السَّمَوَاتِ وَالْأَرْضِ طَوْعًا وَكَرْهًا وَإِلَيْهِ يُرْجَعُونَ ﴿٨٣﴾<sup>1</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا  
عَبْدُهُ وَرَسُولُهُ. اللَّهُمَّ فَصَلِّ وَسَلِّمْ عَلَى سَيِّدِنَا مُحَمَّدٍ وَعَلَى  
عَالِهِ وَصَحْبِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ، أُوصِيكُمْ وَنَفْسِي بِتَقْوَى اللَّهِ فَقَدْ  
فَازَ الْمُتَّقُونَ. قَالَ اللَّهُ تَعَالَى:

يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ  
مُسْلِمُونَ.<sup>2</sup>

مسلمين يغ درحمتي الله سكالين،

ساي مغيغتكن ديري ساي دان حاضيرين سكالين اكر  
برتقوى كقد الله دغن ملقرساناكن سكالالا تيته قرينتهش دان  
منجاءوهي سكالالا لارغش. موده-مودهن دغن ايت كيت  
تركولوغ دالم كالغن اورغ ٢ يغ برجاي ددنيا دان اخيرة.

<sup>1</sup> Ali Imran : 83.

<sup>2</sup> Ali-Imran : 102.



قد دتيق ٢ يغ بركة اين ماريله سام ٢ كيت تومقوكن  
سقنوه قرهاتين كقد خطبة هاري اين يغ برتاجوق "عقيدة  
دفركاس شريعة دلقسان."

حاضيرين سيدغ جمعة يغ درحمتي الله،

دالم القرءان، الله برفرمان ملالوعي فرمانش دالم  
سوره النحل اية 36:

وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ  
فَمِنْهُمْ مَّنْ هَدَى اللَّهُ وَمِنْهُمْ مَّنْ حَقَّتْ عَلَيْهِ الضَّلَالَةُ فَسِيرُوا فِي  
الْأَرْضِ فَانظُرُوا كَيْفَ كَانَ عَاقِبَةُ الْمُكذِّبِينَ ﴿٣٦﴾

"دان سسوغكوهش كامى تله مغوئوس دالم كالغن  
تياق ٢ اومت ساورغ رسول (دغن ممرينتهكنش مپرو مريك):  
هندقله كامو مپمبه الله دان جاءوهيله طغوت. مك دانتارا  
مريك (يغ منريما سروان رسول ايت)، اد يغ دبري هداية  
قتونجوق اوليه الله دان اد قوللا يغ برحق دتيمقا كسستن.  
اوليه ايت مغمباراله كامو دبومي، كمودين لهتله باكايماننا  
بوروقش كسودهن اومت ٢ يغ مندوستاكن رسول-رسولش."

ايات اين منجلسكن كقد كيت بهاوا الله تله  
مغوئوسكن قارا رسول باكي ستياق اومت ماعنسي



سفنجغ زمان سجع نبی آدم علیه السلام هیغکاله اومت  
یغ تراخیر، اومت نبی محمد ﷺ. توکس مریک اداله  
اونتوق میمقای دان منونجوق جالن چارا براکام یغ بنر  
دان لوروس. اورغ ۲ یغ فاتوه دان ستیا مگیکوت مریک  
دسبوت سباکای اورغ اسلام یغ برایمان کغد الله سبحانه  
وتعالی، سبالیقش اورغ یغ ایغکر دان تیدق ماهو منریما  
اجرن یغ دباوا اولیه قارا رسول مریک اداله اورغ یغ  
کوفور.

حاضیرین سیدغ جمعة یغ درحمتی الله

قرجالن دعوة قیماقین رساله قارا رسول سباکایمان  
یغ دقرینتهکن اولیه الله کغد سلوروه اومت مائنسی اداله  
اومقام سواتو قریباریسن یغ فنجغ، ای دکاول سلیا اولیه  
قارا نبی دان رسول. قریباریسن ترسبوت دکتوایی اولیه نبی  
محمد ﷺ، کتوا کغد سکالین نبی دان رسول، بکیندا  
منجولغ کلمة توحید:

لَا إِلَهَ إِلَّا اللَّهُ مُحَمَّدٌ عَبْدُهُ وَرَسُولُهُ

کلمة توحید اینیله یغ منجادی اینتیقاتی اجرن یغ  
ددهوهکن اولیه قارا نبی دان رسول برموله نبی آدم علیه



السلام لائي. اي مروفاكن ساتو فغيشتهارن توحيد يڄ  
ترچرنا دان مڄالير دالم توبوه اومت يڄ برايمان كڄد الله  
سبحانه وتعالى. اينيله سواتو فڄكڄن يڄ منتڄ دان عقيدة  
يڄ اوتوه. بهكن مڄاكر دان منرجه كدالم صنوباري لنترن  
كوكوه دان تكوهش ايمان مريڪ. حال اين دڪمبركن اوليه  
الله سبحانه وتعالى ملالوعي فرمانش دالم سورة ابراهيم  
اية 24:

أَلَمْ تَرَ كَيْفَ ضَرَبَ اللَّهُ مَثَلًا كَلِمَةً طَيِّبَةً كَشَجَرَةٍ طَيِّبَةٍ أَصْلُهَا  
ثَابِتٌ وَفَرْعُهَا فِي السَّمَاءِ ﴿٢٤﴾

"تيدقكه اڄكاو مليهت (واهاي محمد) باكايمان الله  
مڄموكاكن ساتو فرينديڄن، ياءيت: كلمة يڄ بايق اداله  
سباكاي سباتڄ فوهون يڄ بايق، يڄ فڄكلش (اكر تونجڄش)  
تتڄ تكوه دان چابڄ فوچوقش منجولڄ كلاڄيت."

حاضيرين سيدڄ جمعة يڄ درحمتي الله،

جڪ كيت منوڄ سجنق كدالم ديرى سمبيل  
برمحاسبة، اڄاڪه كيت تورت سرتا دان برادا دتڄه-تڄه  
فرباريسن ترسبوت؟ لالو كيت اكن برجاي سمڄاي  
كمتلامت يڄ دنتوكن الله ياءيت كرضاءن دان شركاش. اتاو



سباليقن كيت مميليه جالن لاءين يغ قنوه قسونا دان  
كسرونوقن تتافي هوجوغن اداله كسستن دان كموركأءن  
الله. وَالْعِيَاذُ بِاللَّهِ. سبئرث كيت بوليه ممستيكن بهاوا كيت  
برادا دفيق مان افايلا كيت مرجوع كقد القرءان دان  
السنة. كتتن اين تله دپاتاكن اوليه نبي كيت محمد ﷺ  
دالم حديث بكيندا يغ دروايتكن اوليه أبو هريرة رضي الله  
عنه بلياو بركات بهاوا رسول الله ﷺ برسبدا:

إِنِّي قَدْ تَرَكْتُ فِيكُمْ شَيْئَيْنِ لَنْ تَضِلُّوا بَعْدَهُمَا: كِتَابَ  
اللَّهِ وَسُنَّتِي

"سسوغكوهن اكو تله منيغكلكن كقد كامو دوا قركارا  
يغ كامو تيدق اكن سست سلاما كامو برقكغ كقد كدوان،  
كتاب الله دان سنهكو."

(رواية الحاكم).

باكي ممهي كدوا-دوا سومبر يغ تله دتتقن ايت،  
مستيله ممقلاجريش سداي موغكين اكر كفهن كيت  
برتقن دغن اجرن يغ سبئر ملالوئي كورو ٢ يغ برتاولية  
دان ممقوپاءئي كفاكرن دالم بيدغ اكام. قغاجين ٢  
دمسجد دان سوراو قدت دغن فروكرم ٢ قغاجين يغ



منجلس دان مڄا جرکن علمو یغ سبئر. اولیه ایت، اداکه  
کیت ترفغکیل اونتوق مپرتاءیش؟

حاضیرین سیدغ جمعة یغ درحمتی الله،

سسوغکوهش کقواتن عقیده یغ کیت انوتی ماسیه  
بلوم سمقورنا سلاکی کیت تیدق مڄعملکن سکالا قرینته  
یغ دڄرتغکوڄجوابکن کڄد کیت. دمیکین کهندق الله دمان  
اورغ یغ مڄاکو برایمان مستیله ممبوقتیکن کایمانن مریک  
دڄن عمل صالح. این دجلسکن اولیه الله ماللوعی  
فرمانش دالم سورة العصر ایات 1 هیغک 3:

وَالْعَصْرِ ﴿١﴾ إِنَّ الْإِنْسَانَ لَفِي خُسْرٍ ﴿٢﴾ إِلَّا الَّذِينَ ءَامَنُوا وَعَمِلُوا  
الصَّالِحَاتِ وَتَوَاصَوْا بِالْحَقِّ وَتَوَاصَوْا بِالصَّبْرِ ﴿٣﴾

"دمی ماس! سسوغکوهش ماعنسی ایت دالم کروکین،  
کچوالی اورغ ۲ یغ برایمان دان برعمل صالح، دان مریک  
ڄولا برڄسن-ڄسن دڄن کبزن سرتا برڄسن-ڄسن دڄن  
صبر."

دالم ایات یغ لاءین الله تله منکسکن بهاوا اورغ یغ  
مڄاکو برایمان تیدق اد ڄیلیهن لاءین کچوالی توندوق دان



قاتوه ملقساناکن اف ۲ یغ دقرینتهکن اولیه الله سبحانه  
وتعالی، فرمان الله دالم سورة النساء ایه 65:

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا  
يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا ﴿٦٥﴾

"مک دمی توهنمو (واهاي محمد)! مریک تیدق  
دصفتکن برایمان سهیغک مریک منجادیکن اغکاو حاکیم  
دالم مان ۲ فرسلیسین یغ تیمبول دانتارا مریک، کمودین  
مریک قولاً تیدق مراس دهاتی مریک سسواتو کبرتن دری  
اف یغ تله اغکاو حکومکن، دان مریک منزما کثوتوسن  
ایت دغن سقنوهش."

حاضیرین سیدغ جمعة یغ درحمتی الله،

منلوسوری خطبة قد هاری این، ماريله کیت امبیل  
قغاجرن دان قغحیاتن درقد فرکارا ۲ برایکوت اونتوق  
دجادیکن قندوان دالم هیدوف کیت:

1. اومت اسلام واجب میقینی بهاوا عقیده یغ کیت  
انوتی این اداله عقیده یغ بنر کران ایاث سآیریغ دغن اف  
یغ تله دباوا اولیه نبی ۲ تردهولو.



2. اومت اسلام واجب ممقلاجري دان متمعملکن  
قرکارا ۲ یغ برکاءیتن دغن اكام اسلام اگر سنتیاس براد  
دجالن یغ لوروس دان درضائي الله سبحانه وتعالی.

3. ستیاف ایندیویدو یغ تله دتولیهن اونتوق  
مغوروسکن مسجد مستیله منجالنکن امانه ترسبوت  
دغن ممستیکن قجاجین ۲ یغ دسمقايکن اداله درقد  
کوروا ۲ یغ ماهیردالم علموا ۲ اكام دان برتولیة.

أَعُوذُ بِاللَّهِ مِنَ الشَّيْطَانِ الرَّجِيمِ  
وَأَنَّ هَذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا السُّبُلَ فَتَفَرَّقَ بِكُمْ  
عَنْ سَبِيلِهِ ذَٰلِكُمْ وَصَّيْتُكُمْ بِهِ لَعَلَّكُمْ تَتَّقُونَ ﴿١٥٣﴾

"دان بهاوا سسوڠکوهش اینیله جالنکو (اکام اسلام) یغ  
بتول لوروس، مک هندقله کامو منوروتش دان جاغنله  
کامو منوروت جالن ۲ (یغ لاءین دري اسلام)، کران جالن ۲  
(یغ لاءین ایت) منچرای-برایکن کامو دري جالن الله، دغن  
یغ دمیکین ایتوله الله قرینتهکن کامو، سوفاي کامو  
برتقوی."

(الأنعام : 153).



بَارِكْ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ  
بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ مِنِّي وَمِنْكُمْ  
تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ  
الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

وَقَالَ اللَّهُ تَعَالَى : إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
 اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.  
 اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ يَا قَاضِيَ الْحَاجَاتِ. اللَّهُمَّ أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ وَدَمِّرْ أَعْدَاءَكَ أَعْدَاءَ الدِّينِ. وَانصُرْنَا عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعِينِ عِنَايَتِكَ الرَّبَّانِيَّةَ، وَبِحِفْظِ وَقَايَتِكَ الصِّمْدَانِيَّةَ، جَلَالَةَ مَلِكِنَا



المُعْظَم، سُلْطَان سَلَغُور، سُلْطَان شَرْفُ الدِّينِ ادريس شاه  
 الحاج ابن المرحوم سُلْطَان صَلَاحُ الدِّينِ عبد العزيز شاه  
 الحاج. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ  
 وَالسَّلَامَةَ مِنْكَ، لِوَلِيِّ عَهْدِ سَلَغُور، تَغْكَو اَمِيرِ شَاهِ ابْنِ  
 السُّلْطَانِ شَرْفُ الدِّينِ ادريس شاه الحاج، فِي اَمْنٍ وَصَلَاحٍ  
 وَعَافِيَةٍ بِمَنْكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ  
 عُمْرَهُمَا مُصْلِحَيْنِ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ  
 مَقَاصِدَهُمَا لِطَرِيقِ الْهُدَى وَالرَّشَادِ.

يا الله، اغكاوله توهن يغ مها بركواس، كامى برشكور  
 كحضراتمو يغ تله مغورنياكن رحمة دان كبركتن كقد نكري  
 اين يغ تروس سجهترا دان ماجو، سرتا رعيتش برساتو قادو،  
 دباوه ناءوغن دان قيمقين راج كامى سباكاي كتوا اكام  
 إسلام دنكري اين.

جوسترو كامى فوهون كحضراتمو يا الله، تتثكلنه  
 ايمان دان فكنغن كامى كقد اهل السنّة والجماعة، قلهاراله  
 كامى درقد اجرن يغ تركلوار درقد إسلام سفرتي احمديّة اتاو  
 قدياني دان اجرن ٢ يغ دفتواكن سست سفرتي شيعة دان  
 اجرن كومقولن الأرقام. يا الله، يا رحمن، يا رحيم، ساتوكلنه  
 هاتي ٢ كامى، كورنياكلنه كامى رزقي يغ لواس لاني بركة،



کایاکنله کامی دغن علمو یغ برمنفعة دان لیندو غیله کامی  
درقد بالا بنچان. یا الله، کورنیاکنله فتونجوق کقد کامی  
اونتوق مندیریکن صلاة فرض لیما وقتو سچارا برجماعه،  
منونایکن زکاة ملالوئی لمباک زکاة سلاڠور، موقف دان  
مغاینفاقکن هرتا ملالوئی قریادنن وقف سلاڠور دان تابوغ  
أمانه قمباغونن اسلام سلاڠور.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا  
لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً  
وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يُعْظِمُكُمْ  
لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعَمِهِ يَزِدْكُمْ،  
وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا  
تَصْنَعُونَ.

\*\*\*\*\*